

ABRAHAM SACRIFIANT

- [300] Le fidele est vainqueur.  
 Ce grand Dieu qui le meine,  
 Au plus fort de sa peine,  
 En prend vn si grand soing,  
 Qu'il le vient redresser  
 [305] Estant prest de glisser,  
 En son plus grand besoing.  
 Cela peut-on cognoistre  
 D'Abraham nostre maistre :  
 Car tant plus on l'assant  
 [310] Est deçà & delà,  
 Tant moins de peur il a,  
 Est moins le cœur luy fant.  
 Il a laissé sa terre,  
 Faim luy a fait la guerre :  
 [315] En Égypte est venu.  
 Sara il voit soudain  
 Ranie de la main  
 D'vn grand Roy incognu.  
 A Dieu fait sa demande,  
 [320] Soudain le Roy le mande,  
 Et sa femme luy rend :  
 Le prie de vuider,  
 Abraham sans tarder,  
 Autre voye entreprend.  
 [325] Mais durant eeste fuitte,  
 Son bien si bien profite,  
 Que pour s'entretenir,  
 De Loth il se depart :  
 Pource qu'en mesme part  
 [330] Deux ne pouoyent tenir.  
 Vne guerre soudaine  
 Entre neuf Rois se meine.  
 Parmy ees grans combats,  
 Loth perd auec les siens  
 [335] Sa franchise & ses biens :  
 Cinq Rois sont mis à bas.  
 Nostre maistr'elle